


資治新書二集 八



漢書門			
二	一	一	一
冊	架	函	號
四	二	九	七八九
類			

內閣文庫			
番號	漢	11789	
冊數	24 (16)		
函號	297	43	



審判部

查新書二集卷之八目次

文移部

民事五戸役

設立里催

批券家務詳

前案回詳

前案批詳

上林縣里役回詳

民事六差役

大役若島等事

袁輔宸

蔣君砥

袁輔宸

袁君砥

李合霖

李合霖

資治新書二集卷之八目次

文移部

民事五 戶役

設立里催

批海寧縣詳

前案回詳

前案批詳

上林縣里役回詳

民事六 差徭

夫役苦累等事



袁輔宸

蔣君砥

袁輔宸


蔣君砥

李含馨

李鄴園

資治新書二集卷八目

李鄴園



困苦已極等事

李鄴園

民事七 積貯

議貯粟備荒

王潛生

民事八 鋪行

詳各院

周櫟園

民事九 庶務

勸施農器牌

周櫟園

禁使低銀詳

民不聊生等事

劉黃中

欽奉勅諭事

劉黃中

額天頒示等事

劉黃中

盜賊一 彈盜

彈盜奏議

佟淮白

捕窩盜

禁遊獵

沈繹堂

毀空廟

葺廢砦

沈繹堂

盜賊二 緝盜

緝究盜夥事

紀光甫

盜賊三 駁查

塘報事

佟滙白

稟報事

佟滙白

災荒一報荒

亢旱浹旬等事

劉黃中

特差守取等事

劉黃中

同前事

劉黃中

災傷看語

失名

災荒二救災

救卹癘疫匹欸

袁輔宸

分別周急等事

林武陵

災荒三祈禱

蝶蝗神

顧南樾

鬼神總封神

請封龍神回詳

袁輔宸

請封湯侯等事

袁輔宸

告城隍

官撫辰

移城隍司禱雨

史道林

移城隍司謝雨

史道林

僧道

造報僧道冊式

袁輔宸

祥瑞災異

一產三男議

袁輔宸

文移

盜情條議十款入盜賊一

空毅可

禁革行戶詳文入民事八

曾道扶

報明事入民事九

佟懷侯

嘉湖異常水火等事入災荒三
佟晉侯

資治新書二集卷之八

湖上笠翁李 漁蒐輯

婿沈心友佃訂

民事五 戶役

設立里催

浙江 滄憲 袁輔宸 諱一相 天

看得海鹽縣申稱各里糧長零星寫遠糧長十年一輪里遞半不識認每里議立里催一名在糧長省力役之煩而一圖有專催之責等因奉憲臺有是否可行之批本司遵查催徵錢糧按律開載天下各府州縣以一百一十戶為里推丁多者十人為長餘百戶為十甲甲凡十人歲役里長一人管攝一里之事凡

十年一周其鰥寡孤獨不任役者則帶管於一百一十戶之外而列於圖後名曰畸零欽遵在案但十年編審里長以一人當一名者通縣不過數人今立里催一人則是一人而克里長一名也本司是以駁查或聽其願克或報名克當行府覆查去後今據該府縣詳稱聽其願認催比原非報克有利無弊等因前來伏候憲臺裁奪批飭聽其自願認克如果徵輸有效自當給扁獎勵不許官役僉報如或舉報一人許人告發提究可也

批海寧縣設立里催詳文

浙江巡撫 蔣君砥 諱國柱 湖州人

每里十甲每歲輸流一甲為里長管催九迤錢糧是里長承一年之勞而有九年之逸也即花戶馴頑不一又有滾單以摘比頑戶今海寧縣議立里催聽其自願認克是里長之外又有一里催仍用里長乎或不復用里長乎或十甲中人乎或十甲外人乎或歲更乎或積年克當乎如十甲中人則自有輪值之年如係十甲外人又何能遍識花戶耶如歲更何異于里長承克如積久克當將來滋弊無窮矣此必係里蠹奸胥希圖包攬坐占巧立此議耳仰司再行該縣傳集紳衿士民逐一查議明白如果便民有利無弊

另詳批奪

前案回詳

浙江 蕭憲 袁輔宸 諱一 順天 人

看得海寧縣里催一案。該縣三百六十里。每里議立里催一人。統催一里之糧。先據杭州府知府弋珽。海寧縣知縣王鴻謨詳議前來。本司甚有疑焉。所立里催者。將用里民乎。抑用衙役乎。如用里民。則當編審之年。審其戶內丁產。有克一二分者。有克一二釐者。每里長一名。朋當者數十人。此皆照產定役者也。今舉一人以任一里之役。祇取殷實忠誠。不論產業厚薄。誰為任此役者。勢必報名克當。既報必思營脫。勢

必再報一人。每里一報。通邑沸騰。此用里民之不可也。如用衙役。是為坐里總催。各縣往往有之。史書欺官。每於開徵之時。民壯重賄。戶書每里寫一催牌。縣令不知其奸。但見催糧。從而行之。錢糧從此不完。官聲從此大玷矣。夫催糧而糧反不完者。蓋衙役謀票。催糧原非完官之計。惟藉一紙催牌。以為全家衣食。私詐愈重。正項愈虧。此用衙役之不可也。里民衙役皆不可用。則所謂里催者。將用何人。本司是以議稱止許里民願認。不許報克等語。詳奉憲批云。本司遵即行據該縣傳集紳衿會議去後。今據該縣備述

陳揚各鄉紳公議前來皆謂本縣糧長零星串役者多故公舉一人徧催應比而比較杖責全不及於糧長之身雖每歲有飯食年規之費糧長所甘心也所用之人勤慎則通里受托怠惰則十遞呈革其用舍在民而不在官絕非差役之比等語本司細繹各紳之語而後知所謂里催者乃糧長所僱倩代催之人而非報克之殷戶亦非奉差之衙役也蓋里長一名明克者一二十人凡士農工商有產業者皆克里長平時則催糧臨卯則聽比於是士者輟讀農者輟耕工賈手藝之民皆舍其本業而聽命於催科甚至鰥

寡孤獨之民苟有寸土尺田皆不免於克役一進衙門則股栗而聲嘶矣是以公催一人以任催糧之事既代催收復代比責衆享其逸而獨任其勞於是各甲之人給以飯食資其腳力而任里催者於催糧應比之外亦叨餘資以自潤此情理所宜然也零星朋克者非此人不能總其成花戶散處者非此人不能識其面但其人勤慎則年年可用其人惰悞則同里議革所謂用舍在民而不在官此其順乎民情者一也再查催科之例每里十甲每里長一名催十甲之糧應一年之限但里長一名原非一人或數十人朋

克而縣令比期非盡人赴比也。以一名爲十分計分。輸限計一年之限期。每一分應值一箇月零六日。是以克一二分者不必催糧全完。止要出錢應比。輸過應比之期。則下限輸與他人。與已無涉矣。是以嚴刑酷比而糧仍不完。職此故也。此係昔賢未發之論。而司催科者從無善政。特未講求及此耳。今公立里催一人。則一年比卯。總在一身。若糧一日不完。則逐限聽比完糧之後。花費可省。則正項未有不完。此其益于吏治者一也。夫縣令之事。莫重於催科。考成之完。欠與民生之休戚。全在於此。今陳楊各鄉。緝公議里。

催一事。既便於民。又便於官。允宜舉行。但該府縣前詳聲說未明。是以本司猶預未定。自奉憲臺駁查之後。而直答詳明。洵爲有利無弊。應請憲臺批允舉行者也。第各里中有願自克者。卽一里之內。亦有願自克者。聽其自行催糧。自赴比卯。不必膠執一定。強之使齊。抑本司更有慮焉。天下事從無有利而無害者。也。里催之事。洵如用舍之權。操於民而不操於官。善則用之不善。則更之。則國課與民瘼。交受其利。但恐積漸既久。里催不得其人。或報名克當。或衙役包攬。則其流弊有不可言者。辯別在疑似之間。而利害有

霄壤之遠本司是以悉數利弊。是否有當。伏祈憲語申飭。悉聽各里糧長。任用里催。以代催糧。應比之勞。而嚴禁其流弊。則匪獨一縣。通省舉行可也。匪獨一時。百世遵行可也。統候憲奪批示。以便轉行該縣。勒石縣門。永為遵守。

前案批詳

浙江巡撫 蔣君砥 諱國柱 滿洲人

十遞輪克里長。或因人戶零星。與有別業。羈身不能親當者。原有僱倩誠實之人。代為催條。應比非若海寧縣之必欲各里公舉立名里催。而十遞均此一人承當也。今據覆議。輿情宜順。當聽里民自便。願自役

者聽其自役。願僱倩者聽其僱倩。但期無悞。輸將無妨。民業不得官立里催之名。積年久戀。以貽將來包攬侵蝕之弊。繳

上林縣里役回詳

粵西 李含馨 諱月桂 泉憲 潘陽人

看得因地出賦。因賦定差。不特供力役。亦以期均安也。上林縣原設九里。每里十冬。遇十年大辦之際。按冬以承。不以糧石多寡為節。而惟冬之是問。則勞逸菑枯相去。誠判然矣。此四冬之溫。真宥等前此曾控憲轅。而該縣已有五冬撥幫之議也。惟是成例素定。而一旦起而紛更之人。亦孰不逸樂是安。而肯聽其

叛累以安於無言也。故五冬民李昶鳳等遂有好黨造端之控。遵奉憲批覆確。隨行桂刑廳研審併復加批駁詳議。據稱四冬役已告竣。而五冬現在輪充撥糧幫差。已成築舍。各願求息早結。似是悔訟實情。但差徭苦樂務合通縣之糧賦而均平之原。不在此區。區挹注之間。應行令該縣虛公調劑適宜。以免繼起之紛擾可也。蔣煥奇陳七叔雖非包攬里役。然首事興詞以致聚訟牽連。仍照道擬至查欵中積弊已盡。禁革業經該縣登答明晰。應免深求緣奉覆確事理。本司未敢擅便。統候憲裁。

民事六

夫役苦累已極等事

金華李鄴園詩之芳
司李李鄴園武定人

看得夫役一事。邇來官民交困。蘭谿當水陸之衝。更爲煩苦。額銀既減。半于初應。付反十倍于昔。顧募不足。勢不能不取民。夫民散四鄉。不能一呼而集。勢不能不責里長。此膳夫之設。亦不得已。而權宜之策也。但其間不無營求批免賄賂漏脫者。其現在承應之夫。日奔走不遑。而所最苦者。勒令過站。不得接替。往返幾百里。飢寒不堪。且有官役兵丁。需索折乾鞭笞毆詈種種凌虐。呼籲無門。此小民所以號控也。但

查原呈童方舒等皆非里戶的名行縣拘查無有一人赴質然其苦累之情職所洞曉不俟面詰而知其疾痛者也昨奉部院批行堯夫每行十里給銀三分同夫票現給以絕侵冒則工食似足克腹但恐一時差多近城之人不足應募而一歲差多裁存之銀不足支給則不得不仍責之里長故膳夫一役亦未可遽革也但須審里甲之大小丁甲之多寡斟酌均派使無偏枯之歎并絕管免賄脫之弊則民雖勞費猶可勉支此當責成該縣勿恤勞怨加意調劑者也至于嚴禁過站及需詐鞭撻之苦則仰藉憲臺之威靈即爲申飭亦須痛懲一二庶稍知警戒而有司方可得行其法耳若欲求上不悞公下不屬民爲經久長便之計必待詳議額銀足以給一歲之需而後可裁成永例非此時所敢擅議也

困苦已極等事

李鄴園

看得湯溪夫馬額銀二百四十兩盡裁克餉由是供億之苦官民兩病矣蓋湯雖小縣實糝之次衝而一旦盡括其所存將何以應郵使給軍興乎前仰解囊以募役恐難繼于在官雖或薄給以資行而仍苦于民力此該縣之借箸無籌欲以開墾陞科入役小盡

收零積餘三項為請也。迨今纂造全書。查閱司卷夫馬額銀已奉題覆一半。則湯溪得還一百二十兩矣。雖猶缺半。然較前之責婦巧炊者似可少寬。仰屋若開墾陞科之銀。歸併正項會計入款。無庸再議其收零積餘。向備優免不足之用者。應聽原額支銷。惟人役小盡工食。可以動支抵給。雖涓滴亦紓民力也。

民事七 積貯

議貯粟備荒

汝陽縣令王潛生諱蘇州人

為救荒之策。宜預等事。竊惟積貯者。天下之大命。古來救荒無奇策。惟常平義倉二法。差為得中。積之大

有之年。散之凶歉之歲。上不費而下得惠。法至善也。邇來此制不講。及至饑饉。殍殍方始議蠲。議賑。此何異既渴掘井。臨淵羨魚。今歲風雨時若。二麥咸登。兩河南北。頗稱大有。是皆憲臺福德感召之功也。倘於此時。不議積穀。萬一堯水湯旱。彼豐腴之家。誰肯為貧窶續命者。然常平一法。勢必官收重費。資本法雖善。而不可行於今日。查義倉之制。每逢秋收之日。令民間各出粟麥。量貧富為差儲之。當社委社司檢校。以備凶年。此係古制。職欲倣而行之。當此麥秋。諭以積穀防饑之意。勸百姓之好義者。量力捐輸。多寡任

意即於本處地方擇一二殷實老成者。掌其收受而登之冊籍。或儲之官房。或頓于寺廟。而職但記其總數。以申報各憲存冊在官。倘有凶荒。即以本地之粟。麥。賑本地之饑民。在豐稔之年。百姓不知有出粟之苦。遇凶荒之歲。使黔黎免死散之憂。是亦卑職待罪地方稍盡民牧之一事也。

民事八 舖行

詳各院

署巡漳道 周樂園 詳亮工 福建右藩

看得以官價買民物。致有賠累。民已不堪矣。從未有公然出之舖戶。不給以毫釐之價者。亦未有不給毫

釐之實。而尚責其物之精粗美惡。今之求死不得者。亦未有本非舖戶。而必令其子若孫承當不替者。有之。自上杭始。自上杭之供應巡漳道。始自借供應巡漳道名色。以恣其餘之無窮。取索始巡道之執事。旗幟桌幃座褥。上下舖陳。既出之舖戶矣。二十年前。猶給以半價。十年之前。尚有三分之一。邇來但有供應。並無價值矣。所謂舖戶者。蓋先年其祖若父。或經營於吳浙。或張肆于本鄉。或歛宿商賈。竟有蠅頭。或克當行戶。分其牙用。雖多賠累。諸端尚有分毫利息。勉力支持。已覺難勝。今兩廣路阻。商賈難通。且向之

治安合
成一幅
帶能如
此激切
淋漓
民賈誼
請命者
良為民
近代循

所謂鋪家者牛登鬼錄半徙他鄉矣士之子尚不恒
為士農之子亦不恒為農而上杭之鋪戶則如克問
祖軍其祖若父雖死其子若孫即改而之他業而舖
戶之名終不可得而去也幸而本戶死絕矣又必累
及其親枝幸而逃之他邑矣又必連及其姻戚間有
賢有司至為白了之計者則曰我但不取爾等一物
耳勢必不能通之上及之下為調停之術者則曰我
多報數名使之眾擎易舉耳實則不能去其籍絕其
根間有求情脫免受賄更易者亦必有一名頂替而
後有一名開除其頂替之人即出之開除者之口所

常有的
訴苦而
不覺其
苦反使
聽者怒
然今讀
此詩能
使鐵人
墮淚

報者非衙門中所共垂涎之人即彼平素所最恨之
人也一名既入簿中千年不能更易今日取袖緞明
日取羶戮非嫌其色不鮮明則怒其物之粗惡道路
既阻又往往取邑中所絕無者以難之求之鄉紳而
不得謀之他邑而不能差役之權從此尊矣非曰代
爾回官受責必曰諒情代稟收用取一物即有一番
之才難交一物即有一番之使費富者求貧貧者求
死其來非一日矣况舖戶之名既當無論其家之貧
富而富有之名已圓溢矣貪吏垂涎奸胥側目旁枝
錯出意外誅求皆此舖戶二字累之此其苦又不止

於應當官物而已也。幸近日文武官僚加意撫字，民少有起色。然相沿已久，若不申請禁革，為累終自無窮。合無請乞憲臺嚴批勒碑，永遠禁革。其答應巡道一應舖陳等項，當使簡省。據所開帳目，應用二百餘金。除上杭縣動綱銀備辦外，其餘不足者，合七邑量行協濟。官自差役赴省置買，不許分毫取之舖戶。其歷來相傳舖戶姓名冊籍，但有存者，俱令該縣焚燬。其所屬各邑大小官員，并道標中軍千把之類，日用蔬菜鹽米魚肉等樣，俱發紋銀平買，如官價擅取一物者，卽容本道按法解院究治。如此則民命少甦，逃

亡復集矣。本司見各舖戶哭聲動地，不禁激切言之。伏乞憲臺鑒察施行。地方幸甚，民生幸甚。

祭革行戶詳文

漢中 曾道扶 諱玉孫 司李 秀承 人

為嚴除行戶請。憲勒石永禁，以甦殘黎。事竊照秦地貧苦，民生陞隘。由來舊矣。漢南困阨，較他屬為尤甚。經兵燹者凡四五次，供芻糗者幾二十年。筋力已盡，流移接踵。皮骨僅存，呼號無路。今者重兵南徙，休息可期。力農作苦，已安耕田鑿井之常。而市井閭閻反有日衰之勢。則行戶之累未除也。夫行戶之所苦者，一曰取用，一曰借用。取用者空票支取，另立官價。



候領無期。兼多扣除。卽能給發不及什五。借用者齋物。何候既稽時日。及至領歸。遺失更多。雖云補價不過口惠。甚至四境不產者。逼其轉買。登臨難至者。督其搬運。行商失業。坐賈破家。家愁巷戚。比比而是。所由然者。蓋緣兵興以來。供應稠疊。相沿成習。勢不能禁。今漢中文武大小衙門。不及十處。咸苛地方之責。均有恤民之心。顧此殘黎呻吟未息。誠不忍以行戶重累小民。况煌煌憲禁。凜遵已久。但及今不更加申飭。昭示來茲。則積弊恐絕而復續。今據馬喜文張目孝等連名陳請。本廳竊謂官之于民。猶父母之于子。

子方顛連。爲父母者必求所以安全之。不能安全而反困苦焉。安用此父母者爲。今漢中之民亦極顛連矣。裁革行戶。誠安全之一端也。請自今以後。文武大小各衙門。一切服食器具。俱令現銀平價易買。不許另立官價。短少時值。至公私宴會。俱自辦用。不許着行戶安置。鋪設借用各項等物。其行戶名色。一概革除。如有仍蹈前弊者。或係訪聞。或經告發。許不時揭報。立賜叅處。仍乞 憲臺嚴飭。漢中各屬。勒石永禁。則關南赤子。有更生之望。而 憲恩流于千萬禩矣。

民事九 庶務

勸施農器牌

青州周櫟園諱亮工
巡憲

照得東省貧民窮無事事皆僱工與人代為耕作名曰僱工子又曰做活路每當日出之時皆荷鋤立于集場有田者見之即僱覓而去其無鋤者或原有鋤而質當與人者止袖手傍觀見無人僱覓皆廢然而返嗟一飽之無時覓活路而不得東流西蕩淪為乞丐者有之甚且化為盜賊者有之本道知其如此是以自前歲以至今歲皆捐資買鋤散之窮民但未通行各屬勸良有司照例舉行耳去歲奇荒又加今歲

二麥無收窮民倍多于昔本道所捐寧幾不得不行之各屬為此稟仰府廳州縣官吏各量力捐買耕鋤散給真正窮民多者至一二千柄少者至數百柄每柄不過需銀錢許甚易為力惟視該府廳州縣之願力何如耳蓋窮民得一鋤便得一條活路便不至起其為非儆反之心本道不敢謂無鋤之民箇箇為賊而無鋤之民正難保其不為賊不敢謂施一鋤即減一賊而施一鋤正未必不減一賊為力甚寡為益甚多願該府廳州縣力行之其有以本道之言為迂遠無當者亦聽之其有實實遵行者將施過數目報道

本道仍當聞之兩臺以見該府廳州縣之留心民瘼如此也

禁使低銀詳

杭州司馬 佟崑璧 諱國瑜 遼東人

看得銀色上關國課下係民生豈容行使低假蓋四民之業耕織為多類皆鄉愚識銀者少終歲勤勞易粟折虧本不使則滿盤皆空此害在農桑四方商販將本求利悞准低銀折本費資顛連異域聞風相戒畏足不入物價騰貴此害在商賈價高皆由銀低因低銀而紋銀之價亦高紋銀亦出高價利低銀而紋銀

之使愈少以致肩挑背負畏不敢賣寸簍隻雞市無定值此害在通邑及至納糧則傾銷損折以致賦稅之逋欠者不少雜差則低假虛費又言衙門之使費者太繁其害在國與官矣若不嚴禁行使甚為病國殃民然郡邑城關內外強半皆營伍居住若用強硬使小民莫敢誰何是難禁者在兵丁郡邑又省會衝繁之地上司承舍往來不少若恃勢強使官民竟莫敢誰何是難禁者在憲役必荷憲臺主持下吏得以展布仰乞頒示嚴禁銀匠傾銷各行行使國計幸甚萬民幸甚

殺嫡滅倫事

杭州司李紀子湘諱文安大元

看得某縣民婦金氏陸氏以嫡庶爭產互毆致傷尙未殞命此民間細故不應擅竄憲威而知縣某之急于上申者以陸氏堂兄某現作某營書記每竊餘威以制官稍拂其欲卽爲含沙之噴前令去官卽此輩階之厲也陸氏對簿時動以住房田地現與兄處爲辭而某復以該營封條高貼金氏門外預張虎威迫縣令以不得不斷之勢則是妾兄投營卽可位居妻上由此類推僕亦可以降主子亦可以制父倫理綱常盡爲投營而廢矣知縣某之具申其意不在曲庇

金氏冀憲臺借一做百寓斧鉞于筆端一字誅心不特狐喪其威卽當道豺狼亦當爲之斂跡矣當此營伍跋扈之時下吏實難措手明言慮其賈禍緘口實類養癰故爲此囁嚅委蛇之詞以俟上臺之射覆其心亦良苦矣

頒恩勅示等事

撫州太守劉黃中諱王璿宛平人

看得孫尙等之以頒恩勅示嚴飭保甲控憲也蓋緣其地人民雜沓奸徒不無朶頤而播害者因念往車之多故不覺痛定而思痛幸逢憲節經臨地方蒙庶應如所請以慰群情



民不聊生等事

劉黃中

看得周黃楊鄒彭陳乃崇邑二九等都之串名也。以爲居地稍僻宵小不無窺伺之萌。且有種種藉端慮恐殃及。放遇憲節巡行。是以據悃。頒示彈壓。則地方之利賴匪淺矣。相應准予以愜輿望可也。

欽奉勅諭事

劉黃中

看得東陂駐防舊有人夫柴草之私派。該地方居民苦之久矣。郝把總雖未蹈襲陋規。但已奉調回營。後乎此者不無前轍之慮。章國浪故爲請示以杜將來。今禁飭已頒。似無庸再議矣。

額天頒示等事

劉黃中

看得章吳羅等串名具控。雖從地方利病預爲之防。而蠹書蠹役實無所指。再四詢問窮于應對。不過欲請頒示以杜將萌。故借言諸害以圖倖准耳。前蒙憲批業經給示奉駁覆訊。委難冒供合就詳覆。

報明事

仁和 佟懷侯 諱世錫 遼陽人

流民一案。奉文行縣。安插得所。誠哉懷保之至意。但容留在省。既無荒蕪田地。可耕又無空間官舍。可住歸之。里下而就食。維艱收管。難定前縣。暫令僧廟棲止。亦不過權宜一時之策耳。自七月至今。為日已久。道路未通。還鄉莫定。節據僧道紛紛。籲請或以衣食孔艱為累。或以輪流供給為難。茲復據稱有潛出做夫者。至今不回。有將去代夫者。屢經稟報。卑縣竊思此輩既奉部文釋放。則為無罪之人矣。既云無罪。何忍視作羈囚。查憲行原有。卹愿就近安插。聽從其便。

之文。又似乎不必拘其行止。雖蒙念彼疾苦。計以安全。卑縣仰體仁慈。着令寺觀分頭。輪勝而救。嗷眾口責成。于乞化窮僧。是流民無罪。而僧有罪矣。且此等流民。既未削髮披緇。可以沿門托鉢。又非疲癯殘疾。甘心畢命。孤貧將使任其行藏。則事關憲發。不得不加意隄防。若欲制其行踪。則無晉無拘。又豈能畫牢于地。宜僧道之屢屢呈控。卑縣亦躊躇未敢即安也。不揣冒昧。謬為陳請。嗣今以後。應否遵照憲行。聽從其便之論。許令諸人不拘何業。各自謀生。以俟蕩平之後。復還故里。庶為情法之兩便者乎。

盜賊一 弭盜

弭盜奏議

南頓 巡撫 佟 淮 白 關 東 人

竊惟天下一切刑名。惟人命強盜為重。然人命有証佐可據。其事易明。有傷痕可驗。其跡易覓。盜賊則不然。昏夜莫知誰何。踪跡杳無定在。迨至拘搆到官。不加嚴刑。必不肯認。然彼自為之計。與其摧殘肢體。傷折肌骨。何如苟緩一時。姑俟後日。真盜固不輕招。招者未必真盜。臣以為刑訊之法未盡可恃也。若使弭盜有術。緝盜有方。審盜有法。則盜賊自少。而地方得以寧謐矣。臣謹條議九款。為我

皇上陳之

一。察為盜之人。凡不農不商不工不傭。無恆業之人。與盜近矣。不事生計。恣意賭博。與盜更近矣。迨其為盜。形狀自異。出入無時。潛去潛歸。一也。往來多面生可疑之人。二也。常有贏餘費用。不經三也。此皆民間之盜。最易覺察者也。邇來為盜多是逃兵。冒營伍之裝飾。無將領之鈐束。地方不敢問捕。役不能詰。惟有鄉保法嚴。流寓必稽。則此輩無所容身矣。甚至見在食糧之兵。亦有為盜者。傳聞各處。禁城居民。往往被劫。非本弁故縱。豈能猖獗至

資治新書二集卷八

五

本

此臣以為事發之日。該營將領應按軍法處斬。
 一嚴藏盜之地。除深山大澤綠林嘯聚外。其欲劫掠城市人家。若非往來窺探路徑習熟。豈能突然而來。是以娼家酒樓旅店開場賭博之處。皆為竊盜淵藪。菴觀寺院次之。誠能信賞必罰。勒令捕人不時譏察。非但得本地之盜已也。四方大盜俱無所容矣。

一緝竊盜之家。世無窩主。則盜賊何處潛踪。盜之去來無常。而窩之居處有定。盜之踪跡猶秘。而窩之舉動甚彰。凡被劫之處。其盜之窩家近不出五里。遠至十里。二十里止矣。蓋強盜行劫勢難遠涉。一恐腹餓力盡。二恐天明追捕。豈有劫掠良久分賊擾攘之後。自二十里外而來。復出二十里外而去乎。凡盜發後。密訪附近地方。情形可疑之家。未嘗有不得盜者。此就被劫處言也。又有久慣窩盜。四出行劫。仍串通本地之窩。為線索者。此鄉甲之法不行故也。合應著為法令。獲得其實者。一窩准十盜之賞。凡本州縣窩主。在別州縣事發者。即就窩主所在。印官以昏庸叅革。
 一釐審盜之弊。凡獲一盜。未有不令供招夥黨。初



獲之時神魂無主情實易露亦有狡黠之徒故將
睚眦之讐誣扳數人以脫嚴刑問官不知卽有落
筆附卷之害據彼口說信筆填寫招房輒粘連附
卷以圖勾攝取錢此票一出捕役上手誰敢嚮邇
此單一經粘卷凡有姓名者卽爲盜案中人辨得
清時身家不可問矣全在問官細心辨其聲口察
其情狀蓋真僞之情辭色自別虛捏之語辨問則
窮我多方以辨之則掩護之術不及卒備我隔別
以訊之則無備之語不及會同如果情節真正無
疑此單方可附卷若是覆答差謬其中必有讐扳

玉石不分最爲大害故審盜有司切不得以參差
供單草率附卷也

一剔審賊之弊盜以賊獲主認爲定案然而執賊
論盜往往失真臣每見一招之中盜數多者嘗二
三十人某人分某物一一分明種種招出未嘗不
嘆鞠獄者之膠柱也今有雜物數拾以二十人分
之數日後問所分物各自言其所分能不爽矣以
一人而言十九人之所分能一一不爽乎况盜皆
烏合之衆當昏夜之時作倉皇之事能以一人備
記某人分某物乎此皆沿習敎招格套而不近情

大清會典事例卷八
刑部
木子

理者也。究所分贓，嘗云：「花費無存，夫以真贓，花費而無憑，坐盜誰不曰：「花費無存耶？」凡盜情未確者，則當審其贓歸何處，賣與何人。若夫盜情既確，則不必待贓以定獄，律稱：「但得財者斬。」謂一人得財，則同行者皆斬。故又稱：「同行而不分贓，分贓而不同行，皆斬也。」今定獄必拘於贓，則真盜以無贓得脫者多矣。

一嚴捕盜之法。除負固連營者，應官兵剿除外，凡往來劫掠，出沒無時者，惟責成於捕役。蓋盜賊原捕役之供戶，捕役即盜賊之窩主也。若信賞必罰，法嚴令明，未有不得盜者。又盜之動靜，惟同夥知之。當懸重賞云：「盜夥之中，有能出首渠魁及黨與，引領兵役剿捕者，除免本罪外，仍論功擢用。則盜黨人人自疑，而有解散之勢矣。」

一慎緝盜之票。凡緝拿餘黨，不可不填明住址、年貌。若糊塗混開姓名，則處處可設牢籠，家家可施嚇詐矣。凡審供餘盜時，先要訊明某人年歲若干，身長身短，有鬚無鬚，面白面黑，住于某處，一一開註票上。庶無影射嚇詐之弊。臣見有事關叛逆重案，隔省關提者，並不開註籍貫年貌，止列姓名，以

致逐縣搜查各里取結天下同名同姓之人甚多其為詐索何可勝計伏乞天語申飭各直省內凡有事屬叛盜二案關捉人犯者必須詳註籍貫年貌一一明確如無籍貫年貌不許行提

一申首盜之令凡盜賊自首原准免罪若大功以上親及同居親屬雖無服者出首與自首同亦准免罪此律愚民不曉故父兄明知子弟為盜而溺於情愛遂致隱瞞凡為盜一二次者父兄知之一二月者鄉隣知之鄉隣首盜其實甚難蓋官司捕

獲真盜或賊有可疑嘗十數駁未已良善之民出首盜東奔西走妨工費錢萬一審不成獄不惟自坐虛枉且致羣盜報復身命俱喪以難事責之小民似非情矣惟鄉甲法行責成甚嚴則人畏法而不畏盜盜亦警法而不警人矣以後審真初盜其父兄應連坐審實久盜其鄉隣應重處一清為盜之源勸善莫如鄉約弭盜莫如保甲第實行則事理民安虛行則事煩民擾夫盜也彼豈能不與人同里而居朝夕相見乎彼生理經營里人有不知者乎所與交遊姓名面貌里人有不識

者乎。縱在孤村，豈無親戚族黨往來乎。縱屬流寓，其來踪去跡，若停主人有不熟悉者乎。若以鄉甲之法，實在舉行，如有一人為盜，則闔約舉發，如有

一人非盜而被盜誣，則闔約保救。惟鄉甲廢而盜賊敢于公行，鄉甲廢而盜賊始有淵藪。鄉甲廢而被劫無聲，援鄉甲廢而真盜無舉。首鄉甲廢而被盜，拔誣不敢保救。此盜風所由熾也。鄉甲之法誠嚴，則奸宄無處容身，天下不憂不治矣。

盜情條議十款

一盜情以報呈為據，須查問確實。或失生已甚，其詞

河南李毅可諱上楨
臬憲 昌邑人

或官役隱匿少報，以致情形舛錯，往往難結，皆不得其平也。嗣後呈報到官，即確查情形，遵奉定式，粘連失單一面，選差捕役分頭勒限緝賊，以為通報一面審賊定案。

一強盜以初情為真，緝獲之日，立時研審，務先問其賊首窩主引線，同盜若干。某人某處，造意某年日月某家劫財若干，或殺傷幾人，何人下手，某某用何器械。某某各分贓若干。賊仗見存何處，再詳查盜口所供，與失主所開失物傷痕相合。隨即端委捕官帶領捕役起賊，不得稍遲，以滋轉換。其續獲各盜亦隔別

研審口供情形。賊物一一相對。卽是同盜。但不許令其先知前賊口供。恐畏刑妄招。果屬拔誣。當卽開釋。保候毋得枉死人命。

一審賊以慎密爲主。凡賊初拿獲。不許在外久停。滋弊。到官卽擇深遠之處。審問明白。所云停宿長智。洵非虛語。况從來無無窩主之賊。亦無不通衙役之賊。未審明白之時。尤不許衙役出入洩漏。使餘賊知覺。潛逃。然審時亦不許徒恃刑法。須察言觀色。推情詰問。更在隔別。間有供報同夥姓名。亦查衆賊口供相同者。姓名年貌住址一一註明。卽時出票分差往拿。

限定時刻到官。仍前隔別嚴審定奪。

一盜賊以贓仗爲憑。起贓必須捕官帶領捕役。同起獲到官。卽便查對失單。并喚失主揀認。每審盜案。失單多有不清。或因受傷倉卒。故未能逐件全開。往往如此。但有對明失單之賊。其餘贓物。仍許臨時酌量聽其識認。暫寄庫內。以防侵隱。抽換紊亂。疑似等弊。解報撫院之後。卽令失主領回。分別具領。領狀入招。失主釋放寧家。凡有寄贓買贓之人。審不知情。亦便保釋。以省拖累。

一強盜務須得其強狀。必先問其果有劫火器械。劫

財殺傷等情如竊盜搶奪及謀為強而終為竊謀為竊而終為強者原情按律各有正條情律此外如有繁冗舛錯口供須前後刪正明妥弗得混亂碍難結案

一招眼與照出前後照應務期明悉凡前審衙門與續審衙門節次審明情節亦宜于招眼內節次改正其節據口供挨次敘明凡口供須就事直言不得有文飾語

一原問衙門或有失出入改批別衙門覆審如審出枉縱情由自當接情據理明允平反蓋明允者明而後允服其心平反者平而後翻正其案毋得避嫌疑看情面仍照原問回覆以枉民命

一三招之後口供情形如有參差致奉駁審者須詳釋駁語即訊明口供敘入勿留疑竇如無參差祇須簡明敘某人口供與前供無異一語不必重複繁敘如看語有前後不同而致駁審者先敘某項情節未據供明以致駁審今審得云云等語務期明妥不得于供詞之外別生枝葉

一原行與批駁例該轉行下司者務敘明等因到某衙門轉行到某衙門該某衙門官某姓名審據云云

某官姓名看得云不許含糊草率遺漏問官姓名
奉行日月致難稽考

一承問大獄期無枉縱速結為當查引新例如無新
例即遵律條如律條之所未合者自有援引矜疑之
情以議之其難其慎務就見在人犯情由速結即可
使民無訟毋聽狡犯株連多人耽延時日尤不可輕
出輕入致有枉縱不然訟獄繁興百姓之誤生計而
累性命者何可勝言故承問刑名非速結不可也

捕窩盜

大梁 巡憲 沈繹堂 諱 松 江 人

一剔窩藏以除盜藪盜賊行劫必有聚謀之所寄頓

之家盜之去來無常或難根究而窩之居址有定自
易稽查盜之行劫每在曠野荒郊而賊之窩藏反在
通都巨鎮今請嚴飭番捕約保于各鄉村保甲中逐
細稽查但有窩藏形跡許即公同密首有能舉首得
實獲出真賊真贓者准給銀五十兩如有獲法行私
隱匿不舉非係畏縮避禍即係通同受贓事發一體
坐罪窩首既剔則盜黨無依誠治本窮源之法也

禁遊獵

沈繹堂

一禁遊獵以消異萌近訪各屬地方有種浪子遊獵
不務耕作專事盤遊或持鳥鎗而走城市或架鷹犬

以入山林。借打獵之名。為養身之策。每見出入無常。其實形踪閃爍。今請申飭各州邑。嚴諭保甲。凡鄉村中有此輩。用鳥鎗架鷹犬者。盡行開報。當官試驗。如技藝果精。即當收八民壯之列。量給衣糧。即令巡緝道塗。擒拿賊盜。以羈其身。倘有不肯改業。仍舊胡行。該鄉隣保。立行舉首。收其鎗械。嚴逐重懲。蓋利器不可以假人。而防奸不厭其過密也。

毀空廟

沈繹堂

一毀空廟。以窮伏莽中州。地上荒蕪。村居寥落。獨古廟空祠。是處皆有。或倚山崗。或依林樾。近來屢訊盜

案。凡聚謀落腳。捕秤分贓。多在此中。潛蹟供招。歷歷不爽。今請申飭各州縣。凡郊原靜僻。人蹟稀疎之處。有空閒廟宇。嚴諭鄉保。開報有司。如果係古刹名祠。暫令堵塞。封閉。或撥防兵居守。使不軌之徒無可歇足。將見原野廓清。而萑苻屏息矣。

葺廢砦

沈繹堂

一葺廢砦。以保寧居。北地居民。往往葺砦而栖。恃機為固。瞭望周防。其法良善。自遭兵火之後。往往土砦圯毀甚多。但今地方多事。即使大鎮巨鄉。亦難安居。高枕。况村墟寂寂。井舍寥寥。一有不虞。誰為援拯。今

請仍飭遠近居民。修葺廢砦。或十里五里之內。有三家五家之村。併入團居。互相捍衛。為團既固。外寇不侵。計無有善于此者。

盜案二 緝盜

緝究夥盜事

紹興 紀光甫 諱 清苑人 太守

覆審得趙二行劫楊玠。原招列有潘三引線。其事在順治七年。迄今十載漏網逃生。已歸無何有之鄉矣。陸百十兔脫情真。後據馬快陳彩口供。順治十年間。百十復行劫周姓。追趕失水淹死。此得之馬快。免比之口。誰則見之。故前府有已故之語。而本府仍列之。

兔脫者。誠以重犯之死。生難以隸。後片言為信。倘百十更於他案就獲。誰任罔上之譽。耶。若乃竺三飄沒。情由原係本司移關蘇松道。查明知照到府。司道憲行量無朦溷。况失主楊玠。已經物故。敢祈即賜轉詳。以結十載之案。潘三陸百十一併照提。

盜賊三 駁查

塘報事

浙江 巡撫 佟淮白 諱 關東人

為照守備高某。帶同官兵勦賊。據稱陣殺一名。生擒十名。追殺至木橋。盜隨拆橋奔逃。等語。查喜鵲。均係湖郡腹裏地方。並非濱海臨江之所。豈盜可奔逃。官

兵不能追緝况拆橋之事非倉猝可能為者豈官兵袖手旁觀而聽其拆橋以去此語殊屬荒誕又稱大盜一夥並無數目白數人以至數十人皆可稱為一夥豈竟是多是少豈得以一夥二字故意朦溷且將陣擒之盜帶緝餘犯凡緝盜之例或先訪盜首姓名或經失主告發或係里遞公舉從無帶盜緝盜之理若帶盜緝盜是以盜口為憑也設盜不叛同夥而叛良民則從前打劫未遂及平日小有嫌怨之人皆盜矣賊口信意供扳官兵乘機擾害地方何以堪之又據認獲窩家管某盜線金某是否真正窩線又稱內

獲餉戶章某是否真正盜黨合行嚴查為此牌仰該道即將湖協解到臧鼎臣等十六名備細嚴審取其的確口供看議明確限三日內解院審奪仍行緝盜云

稟報事

浙江巡撫 佟匯白 諱國器 關東人

據仁和縣申稱本縣雙林廟地方界聯德清海寧二縣接壤二月某日防兵因賊多兵寡致被殺傷居民潛遁隨經勸諭歸農互相聯絡以為守望之助等由到院據此該本院批官兵防汛不勤一盜反被盜殺四名應將該弁軍處而丁某稍有良心亦當惶愧欲

死矣。乃反責地方居民之不救護。乃沿家搬搶三里。有餘米豆柴穀一光。門窓家伙罄盡。令人不勝髮豎。夫民以養兵。兵以衛民。乃兵不能衛民。而反責民之不衛兵。有此倒行逆施之事。法紀何存。仰杭嚴兵巡道立拿丁某嚴究。仍行府廳縣官查明雙林廟橋一帶果否被搶若干家。是何弁兵如敢通同徇隱。定將地方官一併題參。速將院批大出告示。曉諭招徠。居民復業不許一兵擅入人家擾害。仍確盜廉幹之弁兵。駐防再嚴督印捕官。勒比捕役嚴行躡緝。務獲真盜。毋得稍有泄玩。限三日內先將丁某確招解奪。

災荒一報荒

亢旱涸旬等事

撫州太守劉黃中 諱玉璫宛平人

看得崇宜樂接壤之三縣也。山田居多。最易苦旱。入夏以來。亢暘不雨。人心惶惑。老幼號呼。該縣目擊情形。自不得不亟為請命。今蒙憲檄親臨踏勘。誠民隱上達之一時矣。值茲功令森嚴。既不可置民瘼而諱疾苦。亦何敢邀名譽以誑。朝廷幸今秋稍得霖雨。另播別種。民情少安。各縣具報分數。蓋以夏火不出六月也。

特差守取被旱印結事

劉黃中

看得崇仁彫敝之區。一有旱災。較他邑為尤甚。該縣士民泣訴縣前。日盈千百。崇令是以代為請命也。早禾受傷已無能救。雖近得雨澤而晚稻未免踰時。該縣履畝親查。具結覆報前來。合就具文詳報。

同前事

劉黃中

看得宜黃山縣也。收穫較別縣為稍後。早田受傷。其害更烈。雖臨河近塘亦可灌溉。然人力費而分數減。該縣士民所以紛紛籲請耳。既經該縣履畝親勘。具結申覆前來。合就具文申詳。

災傷勘語

失名

看得淮屬災傷所在見告。而鹽城一縣為尤甚。職未蒞任時。已經署印。王經歷上報。今職受事以後。飢民闐街塞巷。哀啼具控。故職不得已。于本月某日。單騎徧歷四鄉。則止有衰草。洪波一望無際而已。卑職徒有告荒之文。恨無繪圖之筆。雖所言之再三。不及所見之什一。伏乞憲臺俯軫民瘼。再疏請蠲。延此一方之生命。則功德非淺鮮也。

災荒二

救卹癘疫四款

浙江 袁輔宸 諱一相 藩憲 順天人

看得紹興府申稱。闔屬靈雨連綿。濕氣薰蒸。癘疫流

行百藥無効。有父子同殞。有夫婦並亡。且囹圄中十犯九病等因。本司伏念今歲苦澇。卽省會中。霪雨兩月。春花蕩然。幸蒙憲臺率屬虔禱。始覩曠日。浹旬則濕氣薰蒸。似不止紹郡也。查疫疾之作。外不由于六氣之所感。內不由于七情之所傷。實係天災流行。疹癘爲祟。沿鄉傳梁。閤門同疾。今奉憲臺有作何賑恤之批。本司備陳四議焉。謹按入告之章。言災異者言祥瑞。止於地震旱澇等類。而不及癘疫。但查會典開載。凡遇災異具實奏聞。又聞災異卽奏。無論大小。凡水旱災荒。皆以有關民瘼而入告也。今據紹興府申

稱村落之中。死亡殆半。事關民命。衰耗災異非常。合應具題。候部議恤。伏候憲奪者一也。再按各處設立醫學。原以救民疾病。是以醫官選自吏部。醫印鑄自禮部。醫學建有官署。是皆朝廷重醫道。壽民生之意。近來有司漫不經心。不選明理知書之士。使掌醫學。以致醫生千百爲群。但知糊口。全不知書病者。至死不知其故。一歲之中。夭扎無數。是豈爲民父母之道。今紹郡疫疾百藥無效。豈藥不靈哉。無明理用藥之人也。似宜申飭有司。振興醫學。慎選醫士。使掌學。卽庶知醫者衆。劑不妄投。伏候憲奪者二也。再查疫

疾之作實有疫鬼為厲。是以周禮有十三科以療民疾。內有祝司一科。已驅鬼而逐疫。而後世無傳焉。惟是府有郡厲之祭。縣有邑厲之祭。凡有遭兵刃而橫傷者。有死于水火盜賊者。有被人取財而逼死者。有被人強奪妻妾而死者。有遭刑禍而負屈死者。有飢餓凍死者。有因危急而自縊者。此等鬼魂精魄未散。依草附木。悲號于星月之下。呻吟于風雨之時。魂杳杳以無歸意。懸懸而望祭。故令天下有司依時享祀。本處城隍主之。今雖故事徒存。而有司之奉祀不虔。則無主之孤魂不享。鬱勃怨憤之氣。無所發洩。或作

崇于田禾。或數興為疫癘。以致民受其殃。此于山川社稷諸祀外。尤當加意焉者。似應申飭紹郡。有司修省已愆。感格幽神。嗣後每歲春清明。秋中元。冬十月朔日。必躬必虔。幽明以和。災沴不作。伏候憲奪者三也。再查康熙四年三月初五日。欽奉 恩赦第詔。使尚未入境。其獄中諸犯。除十惡不赦者。自應監候。仍撥醫藥調治。其自軍罪以下。均應取保候詔到之日釋放。至于疫死之眾。貧不能棺者。或于康熙四年孤貧項下。動支給與棺木。以卹骸骨。伏候憲奪者四也。以上四議。本司遵奉憲批。認陳管見。統候憲臺裁奪。

若夫延名僧以誦經祈福。選羽士以建醮禳災。理或有之。第于吏治不載。本司不敢議也。

荒政三祈禱

牒蝗神

六合縣尹顧南樓諱高嘉秀水人

歲在丁未六月壬午。棠之邑蝗飛來崇。將集於境時。惟始秋莢者已孕。一懼蝨賊則莢者不秀。歲其何有。於是知縣事前庶吉士顧某。謹牒於司蝗八蜡之神。日賞罰在朝。吏申明之。豐嗇在天。神奉行之。惟吏與神各率其職。則陰陽和調。沴戾不作。蠖飛蠕動之物。莫不順適其性。如或吏失其德。刑職有愆。則水旱洊

至。繼以螟螣。蝗之為害。歷古患之。春秋時螽蟴蚤見。迄及唐宋。未有吞蝗以救災。捕蝗以弭患者。始雖為禍甚烈。然未有不為至誠感格而終冥頑不靈也。今

聖明在御。四海乂安。山川鬼神莫不欣格。某奉

天子簡命。來守茲土。茹蘖飲水。惟以撫綏為急。自反方寸。質之天地鬼神。實無所愧。吏未失職。蝗胡為來。當此彈丸之地。十室九空。即使有成。而穀賤病農。朝不謀夕。兼以賦稅之交迫。本折之侵漁。昔人五月賣穀。今且積年。敲比軍民人等。憊苦極矣。神獨無靈。而不測然乎。蝗胡為來。惟我蜡神。蝗之主宰。而亦民之

意施誠
而詞典
則一代
之傳文
也

司命也。子與神誓如子。果苞直有靈也。則食子心。幾
民以逞也。則食子心。狐鼠竊柄顛倒。是非在爪牙之
播毒而令家不安。枕人不貼席也。則食子心。而且食
于地獄。不拔之身。若吏無是三者。則神亦敬聽子約
期于即日。盡率種類。徙于南溟。倘有因循不戢。以傷
田禾。交飛爰止。以冀禱祠。則于民為黷。于神為貪。是
不供爾職而抗
天子之命。吏矣。子當悉發丁壯。與白叟黃童。設法驅
捕。咸付祖龍一炬。非殺蝗也。殺蝗以罪司蝗之不職
也。神其聽之。惟命。

嘉湖異常水災等事

浙江 倭晉侯 遼陽人
糧憲

切照某材。慚理劇。謬膺國儲重寄。蓋已時切悚惶。乃
不意甫履地方。即遭奇荒。異變正在補救。無術寢食
不安。得蒙台諭。下詢其中。議和議折。固已言言欵曲。
是用檢閱舊牘。有順治八年。分別折徵一案。現在
備錄情文。仰塵憲電。外但條議雖有往例。可循而時
勢確有今昔大異。若不早為商酌。先事圖維。究至欲
便民而反以困民。欲免累而適以滋累。有不得不鯁
鯁過慮者。如改折之議。重災不過五分。其餘徵本尚
多。今時已季秋。開徵在即。但恐改折之請。傳播民間。

資治新書二集
便視輸將爲可緩之局。相率觀望。輸納不前。一可慮也。如改折米價。八年分題定一兩四錢。蓋八年米價。貴至每石三四兩不等。故細民樂于從事。今市值不過一兩有奇。若仍照八年之數。則比時價已浮半倍。人情未免怨沮。卽欲憲臺垂慈請減。又恐內部不允。一駁再駁。徒勞往返。此折價之難議。復可慮也。且順治八九年間。民力尙未積困。功令尙未嚴切。今則閭閻有朝不謀夕之勢。編氓皆救死不暇之餘。而糧米則有冬兌冬開之例。折銀則有六月全完之限。稍有違越。叅罰隨之。在有司畏嚴譴之及身。不得不盡督

責之奇術。究竟拖逋如故。遺累無窮。此又本道察之人情時勢。謬慮及此。諒在憲臺照鑒之中。非云自爲計也。茲幸憲臺神明之戴。日深伏遇。聖主如傷之念。倍切竊思。與其多折而未盡有益于民生。莫如少蠲而大有補于荒政。特敢不揣冒昧。妄于憲聽。得祈特疏題請。准照重災八九十分者。量蠲幾分。次災四五六七分者。量蠲幾分。則國家稱省。太倉之一粒。卽可少甦百萬垂溺之蒼生。或不然而准照折徵之例。改爲分年帶徵之議。亦以八九十分災重者。准于康熙十年帶徵幾分。十一年帶徵幾分。十

二年帶徵幾分四五六七分災次者准于十年帶徵
幾分十一年帶徵幾分是又議折而與其拖欠難完
莫如仍本而逐年無悞既無損于天家之積貯實有
裨于目下之阡危國計民生均有攸益者也倘以芻
蕘之言可當採擇懇即酌賜題明早為定奪萬姓幸
甚下屬幸甚

鬼神總封神

請封龍神回詳

浙江袁輔宸諱一相

本司看得寧波府奉化縣鯉湖塘象山縣踞門洞于
康熙二年夏月時值亢暘田禾皆稿官民虔禱甘霖

立需該道府縣據通邑士民公呈詳請 勅封二山
龍神奉憲臺批司查明有無典例本司遵查禮經所
載天降時雨山川出雲又祭法云山谷川澤丘陵能
出雲為風雨故曰神有天下者祭百神諸侯在其地
則祭之至于有司祀典各處山川去神古今聖賢忠
臣烈士能禦大災能捍大患或奉特勅建廟賜額或
沿前代降勅護持者皆著祀典此係會典開載吏治
之常經也從未有祀龍神者春秋之書大雩胡傳謂
諸侯雩于境內之山川爾左傳所謂龍見而雩亦指
天上蒼龍之星非在淵之龍也今奉化縣請封鯉湖

塘龍神象山縣請封踞門洞龍神本司備查奉化縣有鯉湖山山有龍湫絕頂有塘相傳鯉化龍于此再查象山縣有踞門山中斷如門左有龍洞距于海然而誌書原非國史未足為據俗稱龍能行雨此係里巷委談而于經傳未聞蓋雨澤之降皆由山澤之氣升為雲雨故祀典所載嶽瀆諸祀皆以有功于民而祭之爾今鯉湖踞門二處禱雨有應輿情踴躍應請勅封以妥山靈者也本司再查唐天寶間詔封太白金山為靈應公自是禱祈輒驗宋改封為濟民侯禱祈不驗蘇試為扶風從事歲大旱請于山曰禱祈若

讀先生
緝獲偽
印請封
及請封
龍神請
封湯侯
神號諸
詳引經
折獄考
百定儀
一字不

應當奏復公爵遂大雨如注三日歲大熟詔封山為明應公則勅封之有禪于山靈久矣惟是公侯之號被于嶽瀆議禮者非之明朝盡去故號惟以山神著封於義甚當伏祈憲臺准從該道府縣之議特疏具題于奉化之鯉湖塘則請勅封鯉湖山之神于象山之神踞門洞則請勅封踞門山之神聽候禮部核議可也夫事神治民原無二義顯以治萬民而幽以理百神以登兩浙于雍和之域今請勅封山神俟奉俞旨以來本司不揣鄙陋當撰文鐫石以記其事可也再查海道原詳註語係懇恩詳請新勅以

資治新書二集卷八

禱

下之圖

苟可傳
可法真
一代名
儒不忝
万岳之
仕矣敬
服敬服

鼓龍神以濟民生事。惟因龍神二字於義無據。本司
謬改爲山神。禱雨有應。願請勅封以濟民生事。伏
候憲裁。

請封湯侯神號回詳

袁輔宸

看得紹興府山陰會稽蕭山三縣皆係濱海。其形內
高外低。三縣之水盡出三江口而注諸海。故明嘉靖
年間有湯太守諱紹恩者。於三江口建塘四百餘丈。
建閘二十八門。早則閉以蓄之。潦則開以洩之。利益
甚大。紹人建祠祀之。歷有年矣。今該道府縣據紳衿
耆民公議。詳請憲臺題請勅封以報湯侯之功。奉

憲批司查例。本司遵查山會蕭三縣內地之水。出三
江口以出海。海之潮汐亦由三江以入內地。其潮汐
之來也。擁沙以入。其退也。停沙而出。迨至日久。沙擁
成阜。當其霖雨。浹旬水不得洩。則泛濫爲患。及至決
沙而出。水無所蓄。又傾瀉可虞。湯侯所以建閘捍禦
海潮。隄防內水。以時啓閉。垂庥無窮矣。本司考之祀
典。蓋有三焉。日月星辰。風雲雷雨。天神之神也。五嶽四
瀆。名山大川。地之神也。聖帝名王。忠臣烈士。人之神
也。凡能禦大災。能捍大患。以勞定國。以死勤事者。皆
當祀之。湯侯之建塘開澤。普桑田。利垂萬禩。是誠有

資治新書二集卷八

四

十一

功德於民者矣。再觀侯之生也。操同水蘖。誠感商霖。其歿也。威靈有赫。禱所立應。蓋正人君子清淑之氣。原不與形質同其泯滅。其英魂靈爽。常與白雲紅日。往來於天壤之間。是以能佑國而惠民也。惟奉音褒崇。則其靈爽益顯。是以各郡邑間。皆有勅封祠宇焉。此歷代之彝章。制治之恆經。而非釋道二氏之言也。伏祈憲臺特疏題請。勅封則神人胥慶。而陰陽咸理矣。本司第查故明洪武元年。令郡縣訪求應祀神祇。凡忠臣烈士有功於國家。及惠愛在民者。據實以聞。著於祀典。今恭繹順治元年。登極恩詔。順治

二年。平南恩詔。順治五年。郊天恩詔。止開所在神祇壇廟。不係淫祠者。有司務竭誠敬。毋致褻慢。又開各處帝王陵寢。及名臣賢士墳墓。禁止樵牧。而未奉有訪求。應祀神祇之文。則似功令未頒。是以各省題奏本章。未見有及此者。或聽禮部禮科一為建白。奉有訪求之例。然後具題入告。抑或憲臺特為建議。舉歷代之典章。佐興朝之盛事。其有光於治道。亦正非淺鮮也。

告神

告城隍

桃源縣令官撫辰
湖廣人



維某年月日新任直隸淮安府知桃源縣事官撫辰
謹致告於本縣城隍之神曰昔我先君治宛與濰也
實能成民而致於神神用享之迄今四十餘年我先
君在生之靈與城隍之靈幽明交顯其德惟神與人
蓋兩相介助以撫柔此民者也今辰謬承天子之命
以司此土亦惟奉吾先君之治彼者以治此土其受
命尚新而神則夙啣帝命以彰輝此一方民而環一
邑之人犧牲玉帛以尸之祝之所從來矣辰竊懼此
一桃源也與古昔實絕不可為道里人事乖錯盜驅
乎民天年水旱以甚之凡五六年於茲豈民命之不

克胥匡以生與抑厄運未除天心尚未悔禍與不然
而司土者之不共其職貪糞以腴民鷹鷂以魚肉民
以致民之不胥匡而天之未悔禍與夫如是則司土
者之罪誠不容道爾神之聲靈赫赫在上濯濯在旁
者曾不能有所開誘啓迪其間是亦爾神鯨曠之咎
上帝有靈則理明者與理幽者平分之矣請自今伊
始其一切祲祥之故招盜之媒凡人力之所能及者
辰任之至人力之所不能如何者神任之若辰之治
桃不若吾先君之治宛與濰也辱吾先君以為神羞
神其告吾先君以請於帝而殛之辰不敢怨尚饗



移城隍司禱雨

淮揚史道林諱可法

法自維謏劣。建節淮濱。無裨國計。未裕民生。昊天瘁
怒。昭示咎徵。方耕亢旱。鑠石流金。麥枯苗稿。民食維
辛。誰招譴謫。法實疚心。越自孟夏。恐懼修省。齋心潔
口。卧鼓懸鉦。晨起步禱。敢曰柔忱。私心默計。或可回
嗔。經時夢夢。尙靳甘霖。雍傾中谷。龜折田豚。匪天難
格。咎實惟人。應不以實。禱乏精誠。躬自刻責。退天洗
心。今撤壇坫。掃却塵勞。芟黃冠繼士。書符揜星。一切報
罷。特致真人。內清外肅。除潔明庭。辦香摩拜。代矢愚
忱。猶懼矯舉。終屬空文。法今自誓。庶政亟更。賢或未

舉。好或未懲。刑或未當。賞或未平。察淵用智。刻過其
衡。或興大役。觸冒明神。有一于此。未獲康寧。從茲悔
悟。除舊布新。實心實事。哀籲天庭。伏惟降鑒。洞法血
誠。聿求民瘼。收回赤衽。從龍潤礎。立布玄雲。澤膏千
里。麻蔭桑青。京坻有望。藉報主恩。絲來帝座。呼吸通
靈。豈繫今日。號不聞聲。託賢代祝。賢以馨聞。天如眷
命。覃被蒼生。

移城隍司謝雨

史道林

明明在上。赫赫在前。人與神隔。惟人自頑。宇宙在手。
帝亦微言。燮理寅亮。書亦著篇。豈無誦說。文字同觀。

一夫不獲儒者之憇憫茲濁亂曷與昭宣天子聖哲
無方立賢群分類聚雲雨猶慳史率列辟清直當官
蠶傷魃厲禱久心虔勉惟存化試流地天甫登壇圻
日必轉旋為雲為雨信反掌間非云學異天顏不遠
鬼神為徒本事當然一自今往咸與盤桓羸羊鹿豕
愧此芟芟爰祝天子億萬斯年

僧道

造報僧道冊式

浙江 袁輔宸 頌一人

為俯察輿情勅頒冊式護法安僧事據杭州府僧綱
司某率仁錢二縣寺廟僧眾等呈稱浙省數稱佛邦

杭郡更云僧戴今着槩行查造卒難措手蓋因釋子
形服顧同居處不一有叢林僧靜室僧應赴僧行脚
僧等其住叢林者雖眾盈纍百莫非秦越同堂肅然
衣鉢去住難拘其住靜室者或日藉檀那盞飯或開
荒自食單丁其應赴寺院分房當丁世籍者或應赴
誦經糊口或耕種田產為生即念經一類有兵革之
餘門徒逃散無經可應而饗殮不繼者其耕種一類
有納糧當差同民戶者復有虛存殿址當差而揚債
完官者至如十方行脚雲水僧一鉢千家孤身萬里
以上各類中多老病臨危將登鬼籙若使並列僧書

不將老病貧苦區分。一旦勅令請度。何人代納。且漏名。卽如漏役。查出治罪。可虞。開名。卽如開花。將來結菓。何似僧等與僧衆合同。妄叩三教。同仁。裁定條例。或恩准老病註冊。或許當丁者。載于名下。頒示下行。衆效無量。恩全等情。據杭州府道紀司某率諸山道士某某等呈稱。三教統係一宗。而至德要歸大道。自函關西渡釋迦。亦共化身。玉軸東傳。宣尼因之。問禮黃庭。一大乘皆爲煉性真詮。道德五千言。悉屬闡微奧義。自古派蔭來茲。然而秉教。雖尊廣衍。難追釋

教分門。最弱。蜚英不及。儒門。所以自唐宋迄今。不過此數十處。勅建之宮觀。合省城內外。亦未滿二百餘處。爲羽流者。談經無別院。窮年株守。蒲團接衆。少資糧。終歲抱安。蠶鉢此真。方外之極貧。而教門之最弱者也。今奉旨。清查僧道。見在奉檄遵行。但念諸山老病頗多。龍鍾瀕死。若使槩登道冊。不爲別類。區分萬一。勅令請度。將來何人代納。伏祈恩加。併覆曲賜。矜全格外寬仁。全脩有地等情。奉總督部院趙批。仰布政司查報。又奉巡撫部院蔣批。仰布政司會同巡杭道。一併查議報奉。此遵卽備移杭嚴道。并行杭

州府查議去後。今據杭州府申覆云。杭嚴道移覆云。前來本司備查僧綱司呈稱僧眾不同有業林僧靜室僧應赴僧行脚僧。請將老病註于冊中。或當丁者載于名下。又呈送冊式。開註年甲籍貫等項。今該道府縣議稱。年甲籍貫自當開報。而貧老病字樣似屬未便等因。本司查應赴二字。以其代人誦經祈福。故以應赴名之。考之釋典。並無此名。蓋應赴僧。卽常住僧也。夫僧爲乞士。蓋上于諸佛乞法。下于十方乞食也。自薄伽梵之息竹林也。身率其弟子以游食于國城聚落。又制令精舍中。毋得蓄釜。瀆事火之物。

而著之爲律。然一易世而迦葉阿難陀。結集大衆。成大藏五百六通。迭察迭書。無餘晷以行乞。勢不得不資阿闍世王之送供。而其後三少五行之賢人王。割邑戶以資之多。至千戶。少亦不下百戶。蓋戶割而世守焉。遂爲常住。而震旦中如南嶽清源。瀉仰諸山。亦因而不改。猶如結繩降而書契。井田降而阡陌。封建隆而郡縣。此亦時會所趨。自然之勢也。是以叢林行脚。未失其初。而其有常住也。是佛教之一變也。自常住而後。於是身披袈裟。手翻貝葉。而納賦稅。克里役。與齊民無異矣。此圓僧等欲將納丁克役者。附註名

下也。今據呈送冊式開列年若干歲。某府某縣人。投
某府某縣某寺出家。分晰常住掛搭字樣。似屬可行。
又請註貧老病字樣。但既註年歲。則老幼甚明矣。至
于僧家所有一衣一鉢。何人不貧。雖有長住田產。孰
肯自稱為富。若概註一貧字。殊不雅觀。至于病者無
幾。若非殘疾。難以註冊。應如該道府縣所議。不便註
冊。其年甲籍貫。雖當開造。但部文內並無年甲籍貫
字樣。若本司執定。畫一開造。恐于功令之外。增設
名色。起人疑懼之心。似應聽從其願。或止報一花名。
或開年甲籍貫。或註叢林靜室常住行腳字樣。本司

悉據原冊送部。雖各屬之冊未必畫一。但冊式未奉
部頒。亦無違例之愆。伏候憲裁批示。以便通行遵照。
至于道院無多。羽流亦少。亦當聽其自造。不必拘定
冊式。至于各呈情詞。皆有唯恐納牒之舉。是以鯁鯁
過慮。本司伏思我朝功令。大略鑒于故明。查洪武
二十六年。令各司每三年考試。能通經典者。申送到
部。具奏出給度牒。又宣德元年。以僧道請給度牒甚
多。諭禮部會同翰林院禮科考試。能通經典者。方准
給與。則是度牒原不輕給。今造冊報部之後。必不盡
令納牒。以益太倉之粟也。而各僧道亦不必皇皇然

懷杞人之憂第今奉文已久。欽限將逾伏乞憲臺
嚴加批飭各屬星速造報以何彙齊達部毋許遺漏
致干。功令并取該府縣不致虛妄少開印結以憑
送部并祈憲檄嚴督各道各府縣密行查訪如僧道
官弁經承衙役敢有需索分文立行拿解憲轅置之
重典則緇羽二流不致驚疑而。欽件得以遂竣矣。

卷之二

才子園

祥瑞災異

一產三男回詳議

浙江袁輔宸
潘憲
順天人

為報明一產三男事奉總督部院趙憲牌前事康熙
六年七月二十一日據仁和縣呈稱據平安一圖民
人周王德呈報妻吳氏於七月初九日產生三子理
合申報等因到本部院據此擬合行查為此仰司即
查一產三男向例作何題報有無舊案可查具文通
詳以憑酌奪施行等因奉此該本司看得地方希見
之事有祥瑞災異二種而入。告之章言災異不言
祥瑞如水旱災荒民間疾苦之事合應飛章奏。聞

卷之二

災

才子園

而蒸草醴泉之類。雖實不以具。聞以其近於獻。映天下後世以爲誣也。今據仁和縣申報。民人周王德妻吳氏一產三男。本司按生育之事。獨男獨女之胎。其常也。有駢胎者。有品胎者。亦其常也。稽之諸史。載一產四子五子者甚多。有半男半女者。有男多女少。或男少女多者。故明天順間。楊州民一產五男。皆育成。此其變也。更有異者。凡禪官野史所載。類多無稽之談。本司不敢具述。至於魏史。載黃初六年。魏都太守孔羨表言。汝南屈雍妻黃氏。生男兒。從右腋下小腹上。而出。母子全安。晉史載魏興李宣妻樊氏。義熙

中懷孕不生。而額上有瘡。兒從瘡出。長而爲將。又常山趙宣母。旌身如常。而髀上作痒搔之成瘡。兒從瘡出。母子平安。宋史載宣和六年。都城有賣青果。男子孕而生子。故明成化二年。宿州一婦孕。脇腫如瘡。及期。兒從瘡出。瘡痛隨合。又隆慶五年二月。唐山縣民婦有孕。左脇腫起。兒從脇下。此皆實有之事。當日若不具題。何由登之國史。但有臆腑經絡之間。本司不能解也。然則太史公所記陸終氏娶鬼方之女。孕而左脇出三人。右脇出三人。佛書所言釋迦生於摩耶之右脇。豈欺我哉。若以祥異言之。王冰所著元珠密

語云人生三子主太平。人生三女國淫失政。人生十
 子諸侯競位。人生肉塊。天下飢荒。此乃方伎附會之
 詞。未必衷於大道。本司按仁和縣民妻一產三男。謂
 之品胎。此係生育之常。非災異。亦非祥瑞。似不必具
 題可也。

